

周

禮

正

義

周禮正義卷六十四

瑞安孫詒讓學

東北曰幽州其山鎮曰醫無閭其澤藪曰獫狁其川河溇其浸  
蓄時其利魚鹽其民一男三女其畜宜四擾其穀宜三種醫無  
閭在遼東獫狁在長廣蓄出萊蕪時出般陽四擾馬牛羊豕三  
種黍稷稻杜子春讀獫狁爲奚疏東北曰幽州者沿舜十二州制  
也藝文類聚州部引春秋元命苞云幽之爲言窈也言風出入  
窈冥敏動易曉故其氣躁急釋名釋州國云幽州在北幽昧之  
地也爾雅釋文云李巡云燕其氣深要厥性剽疾故曰幽幽要  
也太康地記以爲因於幽都爲名或云北方太陰故以幽冥爲  
號二者相依也爾雅釋地云燕曰幽州郭注云自易水至北狄

呂氏春秋有始覽云北方爲幽州燕也周幽州方域東南並至海西距東河與冀界北接北狄荒服不知所極東南距灘與兗界東北越海據醫巫閭西南距岱與兗界西北與并界不知所分云其川河沛者與兗州同沛詳豫州此州所屬者河沛下流入海之處與兗冀相接也云其利魚鹽者魚亦謂海魚鹽卽煮海之鹽今山東登萊青三府及直隸長蘆所產鹽鹽人所謂散鹽也禹貢青州厥貢鹽絺青州東偏瀕海之地周時皆屬幽州也 江云醫無閭在遼東者爾雅釋地云東方之美者有醫無閭之珣玕琪焉淮南子墜形訓作醫毋閭高注云醫毋閭在遼東屬國漢書地理志遼東郡有無慮縣顏注云卽所謂醫巫閭續漢郡國志遼東屬國無慮縣有醫無慮山楚辭遠游篇云夕

始臨乎於微閭王注云東方之玉山也案無毋巫閭慮聲並相近醫於無微亦一聲之轉皆一山也續漢志有遼東郡又有遼東屬國又並有無慮縣鄭云在遼東者謂在遼東屬國也西漢時無慮屬遼東郡東漢安帝以後無慮屬遼東屬國鄭高並據時制言之鄭時遼東郡不當有無慮縣今本續志蓋傳寫誤重錢大昕據後漢書安帝紀李注說欲移有醫無慮山之文於遼東郡無慮下而改遼東屬國之無慮爲夫犁今以淮南高注證之則今本續志遼東屬國之無慮不誤竊疑遼東郡之無慮乃當作夫犁耳李賢所說不若淮南注之足馮也漢無慮廢縣在今盛京錦州府廣寧縣醫無閭山在縣西十里云養在長廣者漢地理志云琅邪郡長廣奚養澤在西秦地圖曰劇清地幽

州藪風俗通義山澤篇云九藪幽州曰奚養在長廣縣東案漢長廣故城及獫狁澤並在今山東登州府萊陽縣東五十里云蓄出萊蕪者漢地理志云泰山郡萊蕪原山留水所出東至博昌入沛幽州寢案留卽蓄之或體禹貢又作潛在青州周改入幽水經云潛水出泰山萊蕪縣原山至利縣入海案漢萊蕪故城在今山東濟南府淄川縣東南六十里原山在縣南九十里潛水出其陰至樂安縣入清水泊由泊東北入海云時出般陽者漢地理志云千乘郡博昌時水東北至鉅定入馬車賁幽州寢水經潛水篇鄭注云時水出齊城西北二十五里平地出泉卽如水也亦謂之源水至石陽堰分爲二水枝津西北至梁鄒人沛時水至廣饒縣故城東北入潛水呂飛鵬云地理志不云

時水所出因時水逕博昌城北故博昌下云時水東北至鉅定入馬車廩惟水經注云出齊城西北二十五里後鄭云時出般陽般陽在地理志屬濟南郡在郡國志則屬齊國水經注齊城蓋指臨淄而言般陽與齊城接壤故鄭注以爲出齊城西北鄭注以爲出般陽也詒讓案時水卽如水漢志齊郡臨淄如水西北至梁鄒入沛此卽水經注時水上流出齊城西北至石洋堰分爲二水枝津至梁鄒入沛者也漢志如時雨見故如水出臨淄而時水不著所出水經注并爲一水故時水出齊城其實班與鄭不異也漢般陽故城在今濟南府淄川縣西齊城在今青州府臨淄縣北時水今名烏河出臨淄縣西南愚公山至高苑縣東境入小清河云四擾馬牛羊豕者并州宜五擾注云馬牛

羊犬豕五擾之中犬爲小牲故去之周書孔注亦從鄭義云三種黍稷稻者周書孔注同賈疏云西與冀州相接冀州宜黍稷幽州見宜稻故知三種黍稷稻也云杜子春讀獫爲奚者獫奚聲類同漢志說文艸部及風俗通義並作奚與杜讀同河內曰冀州其山鎮曰霍山其澤藪曰楊紆其川漳其浸汾潞其利松柏其民五男三女其畜宜牛羊其穀宜黍稷霍山在範楊紆所在未聞漳出長子汾出汾陽潞出歸德疏河內曰冀州者沿禹貢制也說文北部云冀北方州也釋名釋州國云冀州取地以爲名也其地有險有易帝王所都亂則冀治弱則冀强荒則冀豐也爾雅釋文引李巡云兩河間其氣清厥性相近故曰冀冀近也爾雅釋地云兩河間曰冀州郭注云自東河至西河曰氏

春秋有始覽云兩河之間爲冀州晉也高注云東至清河西至西河爾雅釋文引韋昭漢書注云東西南北皆有河故曰河內又引馬融云在東河之西西河之東南河之北案馬說蓋卽周官傳文其說是也史記正義云古帝王之都多在河東河北故呼河北爲河內河南爲河外又云河從龍門南至華陰東至衛州東北入海曲繞冀州故言河內案周冀州方域東距東河與兗界南距南河與豫界西距西河與雍界北距虜池與并界東南東北並距東河西南亦距西河西北據汾水下流與并界州三面距河西河之西爲雍州東河之東爲兗州南河之南爲豫州北界并州則無河韋昭謂四面有河失之孟子梁惠王篇云河內凶則移其民於河東移其粟於河內史記魏世家公子無



已上魏王書云所以於秦者河內河外大縣數十漢地理志云魏地其界自高陵以東盡河東河內及漢之河內郡此並以近南河者爲河內近西河者爲河東蓋戰國之後所分與此經義小異云其澤藪曰楊紆者楊周書漢地理志敘並作楊同聲段借字云其川漳者它州皆一水冀唯一水者清漳濁漳二原同委也云其浸汾潞者潞周書作露亦聲同字通云其民五男三女者二女周書作二女 注云霍山在魏者爾雅釋地云東方之美者有霍山之多珠玉焉漢地理志云河東郡魏縣霍大山在東冀州山注應劭云順帝改曰永安是鄭時魏已爲永安此注據班志故仍其故名霍山虞夏時以爲中嶽禹貢謂之大岳賈疏及詩唐譜孔疏引禹貢鄭注云大岳在河東故魏縣東名

霍大山是也案漢冀縣卽今山西霍州治霍山在州東南三十里云楊紆所在未聞者爾雅釋地十藪云秦有楊陟爾雅釋文云陟本或作紆郭注云今在扶風汧縣西呂氏春秋有始覽云秦之陽華高注云陽華在鳳翔或曰在華陰西淮南子墜形訓云秦之陽紆高注云楊紆蓋在馮翊池陽一名具圖又脩務訓云禹之爲水以身解於陽盱之河注云陽盱蓋在秦地惠士奇云高誘所云皆臆說也郭景純謂在扶風汧縣則直以苽蒲當之矣案山海經中山經陽華之山楊水出焉而西南流注於洛門水出焉而東北流注於河縉姑之水出於其陰酈道元謂其地在弘農上雒河在東北洛在西南實冀州之藪禹治洪水且禱陽紆卽其地也穆天子傳天子西征騫行至陽紆之山河北

周禮正義

禮六十四

五二楚學社本

五百四十七

無夷之所都居是惟河宗氏自宗周漚水以西至於河宗之邦  
陽紆之山三千有四百里自陽紆還歸於周三千里陽紆卽陽  
華蓋山也衍而爲藪河伯都焉其山更在藪之西故距漚水三  
千里而中山經亦云門水出陽華至於河七百九十里入雒水  
則其地之廣可知故半在秦半在晉竹書穆王征犬戎秦公帥  
師從王西征次于陽紆蓋謂陽紆山也案楊紆楊陰陽華陽紆  
陽盱聲類並相近惠說以爲一地義似可通惟所在地域則外  
互殊甚蓋此經楊紆爲藪藪而爾雅呂覽淮南並云秦有案之  
方域蓋已不能強同加以眾說參差益難憑信郭氏謂在汧縣  
遠侵雍藪其誤固不必辯呂覽高注廬列二說鳳翔置郡在唐  
至德間非高氏所得聞蓋當爲馮翊之誤卽淮南注所謂在馮

湖池陽者也攷釋地十藪又云周有焦護郭注云今扶風池陽縣瓠中是也是高氏謂陽華卽焦護至呂覽注第二說又云在華陰西者洪亮吉謂陝西華陰縣東南有陽華藪高說殆卽指此一說無論是非亦並與冀境縣隔惠引酈說蓋據水經河水篇注云洛水自上洛縣東北於拒陽城西北分爲二水枝渠東北出爲門水又東北歷陽華之山卽山海經所謂陽華之山門水出焉者也攷河水注陽華山似卽華陰之陽華藪酈氏但引中山經爲證不云卽冀藪之楊紆至穆傳之陽紆爲河宗氏所居史記趙世家正義云河宗在龍門之上流嵐勝二州之地案唐嵐州爲今陝西嵐縣地勝州爲今鄂爾多斯右翼後旗地淮南脩務訓之陽盱亦當與穆傳同水經河水注則謂穆傳陽紆

及淮南書陽盱卽山海經海內北經所云陽紆陵門之山河出其中者並與昆侖河源相近力斥高注以爲秦藪之非依酈說則陽紆乃遠在絕域故穆傳謂在廛水西三千餘里校其道里已在要服之表其非冀藪尤無疑義又風俗通義山澤篇說九藪並依職方惟云冀州曰秦陸在鉅鹿縣西北蓋因陽紆所在未聞而據爾雅十藪晉有大陸遂以易之然不二云大陸卽楊紆顧祖禹云水經注大陸澤一名陽紆藪今在直隸寧晉隆平及鉅鹿縣境今檢水經注亦無此文太平寰宇記冀州信都縣云有陽陟澤引爾雅秦有陽陟爲證蓋亦以大陸爲陽陟不知大陸自是冀澤又不當爲秦藪也要之楊紆所在漢時已不可攷故班酈並闕而不言而舊說多強爲傅合悉無確證謹從蓋闕

以族知者云漳出長子者漢地理志云上黨郡長子鹿谷山濁漳水所出東至鄴入清漳又沾上陂谷清漳水所出東北至阜城入大河冀州川說文水部云濁漳出上黨長子鹿谷山東入清漳清漳出沾山大要谷北入河與漢志說同賈疏引鄭禹貢注云漳水出上黨沾大陂谷東北至安平阜城入河案書注據清漳此注云出長子據濁漳其實濁漳卽入清漳也水經漳水篇云濁漳水出上黨長子縣西發鳩山至樂成陵縣別出北瀆又東北過成平縣南合清河至平舒縣入海清漳水出上黨沾縣西北少山大要谷至武安縣南黍窖邑入于濁漳案漢長子故城在今山西路安府長子縣西南濁漳水出縣南五里發鳩山又清漳出山西樂平縣西沾嶺之大陂谷濁漳至河南林縣

北之交漳口與清漳會二漳既合入山東界經邱縣南又分爲  
二派一至青縣會運河北達直沽一至直隸新河縣入北泊東  
北流會滹沱至天津入海云汾出汾陽者漢地理志云大原郡  
汾陽北山汾水所出西南至汾陰入河冀州寔說文水部云汾  
水出大原晉陽山西南入河或曰出汾陽北山冀州浚水經云  
汾水出太原汾陽縣北管涔山至汾陰縣注于河段玉裁云漢  
志太原郡晉陽晉水所出東入汾汾陽汾水所出西南至汾陰  
入河許云出晉陽山與志水經不合者志水經舉其遠源許舉  
其近源也許意謂晉水卽汾水之源杜注左傳曰汾水出太原  
與許合案段說是也戰國策趙策云三國之兵乘晉陽城決晉  
水而灌之史記趙世家作汾水是古汾晉二水爲一之證鄭從

漢志與許所引或說同漢汾陽故城在今山西太原府陽曲縣北九十里又忻州靜樂縣亦漢汾陽縣地汾水出縣北百四十里管岑山至榮河縣北境入黃河在龍門之南五十里曰汾口云潞出歸德者漢地理志顏注同漢地理志歸德屬北地郡說文水部云潞冀州浸也上黨有潞縣水經云濁漳水又過潞縣北鄭注云縣故赤狄潞子國也關闕曰有潞水爲冀州浸卽漳水也余按無他大川可以爲浸所有巨浪長湍惟漳水耳故世人亦謂濁漳爲潞水矣黃度易祓全祖望蔣載莊康有可竝從關說顧祖禹云今濁漳經潞安府城西南二十里土人猶呼爲潞水段玉裁云鄭云潞出歸德此謂潞卽洛耳按班許皆云洛出歸德北夷界中漢歸德在今甘肅慶陽府境洛水在今陝西



同州府境入河非冀州地也且雍州旣曰其浸洛矣安得又爲冀浸鄭注於雍州云洛出懷德冀州云洛出歸德蓋由株守地理志而未思志歸德下言其源懷德下言其委一水兩言不當改洛爲潞以屬冀州自雍入冀古無此水以當之許但云冀州浸不言何出何入不欲強爲之說蓋此浸自周初迄漢湮沒不彰班許皆不言潞之源流此可以正鄭注矣闕駟曰潞縣有潞水爲冀州浸卽漳水此非許意也周禮川漳浸潞並言則非一物案段說是也漢歸德故城在今甘肅慶陽府境旣非冀域漢地理志歸德亦惟有洛水無潞水詳前雍州又通典州郡說職方汾潞云潞水出今密雲郡密雲縣也顧祖禹亦云今直隸通州之白河卽潞水也今攷水經沽水篇云沽河從塞外來南過

海陽狐奴縣北西南與灤餘水合爲潞河酈注云沽水又南逕安樂縣故城東俗謂之西路水也沽水又南左會鮑邱水世所謂東潞也沽水又南逕潞縣爲潞河魏土地記云城西三十里有潞河是也又鮑邱水篇云鮑邱水從塞外東南過漁陽縣東又南過潞縣西又南至雍奴縣北屈東入于海注云鮑邱水入潞通得潞河之稱矣案杜氏所說密雲縣之潞水者水經之鮑邱水酈注所謂東潞水也卽今之白河其水不見於漢志水經所謂沽河與灤餘水合爲潞河者卽今直隸之沙河漢志漁陽郡漁陽之沽水亦不云卽潞水其所經潞縣續漢郡國志屬漁陽郡前志字作路與上黨潞縣異揆之地望已在涑易之東北當隸并境冀浸之潞必非此諸水也正北曰并州其山鎮曰恆

山其澤藪曰昭餘祁其川庠池嘔夷其浸洌易其利布帛其民  
二男三女其畜宜五擾其穀宜五種恆山在上曲陽昭餘祁在  
鄆庠池出鹵城嘔夷祁夷與出平舒洌出廣昌易出故安五擾  
馬牛羊犬豕五種黍稷菽麥稻也凡九州及山鎮澤藪言曰者  
以其非一曰其大者耳此州界揚荆豫兗雍冀與禹貢略同青  
州則徐州地也幽并則青冀之北也無徐梁疏正北曰并州者  
亦沿舜十二州制也禹貢爾雅呂氏春秋並無爾雅釋文引春  
秋元命苞云并之言併也陽合交併其氣勇壯抱誠信也又引  
太康地記云并州不以衛水爲號又不以恆山爲稱而言并者  
蓋以其在兩谷之間也案周并州方域東距東河與幽界南據  
庠池與冀界西距西河與雍界北接北狄不知所極東南距九

河東兗界東北與幽界不知所分西南據昭餘祁與冀界西北亦北狄 注云恆山在上曲陽者漢地理志云常山郡上曲陽恆山北谷在西北并州山爾雅釋山云河北恆又云恆山爲北嶽白虎通義巡狩篇云北方爲恆恆者常也萬物伏藏於北方有常也水經禹貢山水澤地所在篇云恆山爲北嶽在中山上曲陽縣西北案漢上曲陽故城在今直隸定州曲陽縣西四里恆山在縣西北百四十里互保定府以西及山西大同府東境云昭餘祁在祁者爾雅釋地十藪云燕有昭餘祁郭注云今太原祁縣北九澤是也爾雅釋文引孫本祁作厓音近假借字漢地理志云太原郡祁九澤在北是爲昭餘祁并州藪風俗通義山澤篇云九藪并州曰昭餘祁在祁縣北呂氏春秋有始覽說

周禮正義

禮六十四

十一楚學社本

五百四十七

九藪云燕之大昭淮南子陸形訓又云燕之昭余不云祁者省文也水經汾水篇云汾水又南過大陵縣東鄭注云汾水於縣左適爲鄆澤地理志曰九澤又名之曰渥渙之澤俗謂之鄆城泊又云太谷水西接鄆澤是爲祁藪也卽爾雅所謂昭余祁矣案漢鄆縣故城在今山西汾州府介休縣東北二十七里鄆城泊在縣東北二十里與平遙縣接界又今山西太原府祁縣東北七里有昭餘祁藪其水久涸蓋祁藪故蹟本延跨今祁縣境後乃獨濬爲鄆泊耳至嘔夷與昭餘祁迥異鄭注并爲一與澠水篇注自相違伐誤也云庫池出鹵城者漢地理志云代郡鹵城庫池河東至參戶入庫池別并州川又河間國弓高庫池別河首受庫池河東至平舒入海案庫池禮器作惡池注云惡當爲

呼聲之誤也呼池嘔夷并州川是也墨子兼愛上篇又作嘔池  
字並通漢鹵城故城在今山西代州繁峙縣東百里滹沱河出  
縣東北百二十里秦戲山入直隸界至獻縣南分爲二派復台  
至天津府靜海縣入海云嘔夷祁夷與出平舒者漢地理志云  
代郡平舒祁夷水北至桑乾入治又靈丘瀧河東至文安入大  
河并州川說文水部云瀧水起代郡靈丘東入河瀧水卽嘔夷  
水并州川也案代郡舊作北地今從段校改水經灤水注云祁  
夷水出平舒縣之故城南澤中注于灤水不云卽嘔夷又瀧水  
篇云瀧水出代郡靈丘縣高是山至博陵縣入易鄭注云卽嘔  
夷之水也出靈丘西北高是山山海經曰高是之山瀧水出焉  
東流注于河者也李悝云嘔夷非祁夷曰與者疑而未定之辭

也案漢志代郡靈丘縣注云澧河并州川水經注曰澧水卽嘔夷之水蓋嘔澧音相近而二名嘔夷卽澧河也并州之川惟此與虜沱相埒鄭以祁夷當之誤詒讓案班許鄺並以嘔夷爲澧水是也易祓黃度胡渭戴震林喬蔭莊有可說並同祁夷水卽今出山西大同府廣靈縣之壺流河與澧水別鄭以釋此經之嘔夷失之漢平舒故城在今山西大同府靈邱縣北靈邱故城在縣東十里祁夷水在縣北澧水今名唐河出山西渾源州南翠屏山至直隸安州東南入白洋淀云涑出廣昌者漢地理志云代郡廣昌涑水東南至容城入河并州寢說文水部云涑水起代郡廣昌東入河并州浸案代郡舊作北地亦據段校改水經巨馬水篇云巨馬河出代郡廣昌縣涑山至勃海東平舒縣

入海鄭注云卽涑水也於平舒城北南入於虡池而同歸於海也案漢廣昌故城在今直隸易州廣昌縣北涑水今名拒馬河出縣北厓古塔至東安縣會桑乾河入清水河云易出故安者漢地理志云涿郡故安閭鄉易水所出東至范陽入濡也并州寢水經易水篇云易水出涿郡故安縣閭鄉西山至泉州縣入于海案漢故安縣卽今直隸易州治易水在州南二十里源出西山龍華店西北會濡水至新城縣會拒馬河俗曰白溝河云五擾馬牛羊犬豕者周書孔注同賈疏云六擾中雞爲緩故去之云五種黍稷菽麥稻也者豫州注同周書孔注稻作麻疑孔因北方宜稻之地少故易之云凡九州及山鎮澤藪言曰者以其非一日其大者耳者說文曰部云曰晷也謂一州之內山澤



川浸其數眾多不能徧詳故略舉其大者言之云此州界揚荆豫兗雍冀與禹貢略同者賈疏云略同者不失本處雖得舊處猶有相侵入不得正若周之兗州於禹貢侵青徐之地周之青州於禹貢侵豫州之地周之雍豫於禹貢兼梁州之地周之冀州小於禹貢時冀州以其北有幽州并州故知也詒讓案周九州方域與禹貢同異經記史志並無明文以其山川澤藪約略攷之揚州東南界蓋與彼同而北則禹貢距淮周淮入於青州揚雖逾江而界視彼爲狹荊州南界亦當同而西侵梁境又北漢東地割入於豫並與彼異豫則南北與彼略同東則孟諸割入青西亦侵梁爲異兗則東西界略同而南有岱及大野並侵徐界東南有淮侵青界與彼異雍則東西北並略同而南侵梁

爲異冀則南東西並略同而北別分爲并則異其可攷者大略如是至其華離細別則無由校覈矣云青州則徐州地也者禹貢云海岱及淮惟徐州僞孔傳云東至海北至岱南及淮周不立徐州而以其地爲青州其方域亦東至海南則逾淮而與揚界北雖不得岱而距岱與兗界與禹貢徐州境略同也胡渭云周青州疆域與禹貢大異鄭云徐州地蓋以其山鎮曰沂山其川淮泗其浸沂流知之禹貢曰海岱及淮惟徐州又曰淮沂其父又曰浮于淮泗是知徐并於青也賈云周之青州於禹貢侵豫州之地蓋以其澤藪曰望諸知之禹貢於豫州曰道菏澤被于孟豬是知侵豫地也禹貢徐州岱山大野皆入於兗是青亦不全得徐也鄭亦言其大略而已又云賈疏以兗州侵禹貢青徐

之地者蓋以其山鎮曰岱山其澤數曰大野知之殷之兗州自河東至濟與禹貢同其徐州自濟東至海亦與禹貢同而周則言河不言濟蓋其境越濟而不得岱矣岱南爲徐北爲青徐州曰大野既豬是知侵禹貢青徐之地也兗界跨濟唯周制有然云幽并則青冀之北也者謂別依舜十二州制析青州之北爲幽冀州之北爲并於禹貢九州之外增此二州也漢書地理志云周既克殷監於二代而損益之改禹徐梁二州合之於雍青分冀州之地以爲幽并胡渭云舜十二州以冀州之北廣大分置并州幽州至夏而復合於冀與堯時同爾雅之九州有冀幽而無并蓋殷分夏冀州之東北以爲幽而正北并州之地仍屬冀視虞之冀則大矣周禮幽州冀州并州與虞制同賈云周之

冀州小於禹貢以其北有幽并然不唯小於禹貢亦小於爾雅也又云周幽州其川河洑其浸菑時皆禹貢青地爲幽之所侵蓋今青登萊三府之地在青域者周時皆割入幽云無徐梁者周九州旣增幽并故省此二州也漢書地理志顏注云省徐州以入青州并梁州以合雍州今案徐省入青詳前梁者禹貢云華陽黑水惟梁州僞孔傳云東據華山之南西距黑水以周九州疆域攷之禹貢梁州蓋亦分入荆豫二州不徒雍也胡渭云殷有荆而無梁爾雅漢南曰荊州注云自漢南至衡山之陽漢水出嶓冢梁州山也自嶓冢以東至大別凡在漢水之南者皆爲荊州然則禹貢梁州之地荆亦兼之不盡歸於雍自大別以東江南之地爲揚所侵而大別以西漢東之地亦皆入於豫州荆

州之境縮於東北而贏於西南殷因於夏所損益可知也周禮  
荊州衡山雲夢江漢皆禹貢荊州之山水周承殷制亦有雍而  
無梁李巡注爾雅言雍兼梁地賈疏言雍豫並兼梁地而皆不  
及荆殆未察漢南曰荆之義耳蓋殷周之荆豫皆以漢水爲界  
梁州漢北之地豫兼之漢南之地荆兼之其嶓冢以西則雍兼  
之故二代無梁焉又云爾雅河西曰雍州疏引李巡云兼得梁  
州之地周禮疏云周之雍豫於禹貢兼梁州之地然雍州西北  
二邊世有戎翟之患則殷周疆場未必能悉如禹貢又禹貢梁  
州之山水無一入職方者故杜氏言梁州當夏殷之間爲蠻夷  
之國雍之併梁亦虛名耳爾雅曰雍州以河西則華山以南不  
在界中可知其西北亦當虧損殷周之雍實小於禹貢也賈疏

云爾雅云兩河間曰冀州河南曰豫州濟東曰徐州河西曰雍州漢南曰荊州江南曰揚州燕曰幽州濟河間曰兗州齊曰營州詩譜曰雍梁荆豫徐揚之民咸被其化數不同者禹貢所云堯舜法爾雅所云似夏法詩譜所云似殷法亦與禹貢二代不同是以州名有異自古以來皆有九州惟舜時暫置十一州至夏還爲九州故春秋云夏之方有德也貢金九牧是也詒讓案書舜典肇十有二州爾雅釋文引鄭注云舜以青州越海而分齊爲營州冀州南北太遠分衛爲并州燕以北爲幽州新置三州并舊爲十二州也據鄭書注則周職方圖并二州實沿舜制至爾雅釋地九州賈疏謂似夏法其說非也詩周南召南譜孔疏引爾雅孫炎注云此蓋殷制釋地郭注爾雅釋文引李巡說

並與孫同爾雅雜采古書雖無由定其必爲殷制要之釋地九州與禹貢不同其非夏法固無疑也說苑辨物篇說九州與釋地同惟云齊曰營州未知何據呂氏春秋有始覽說九州則與此經略同惟無并州而云泗上爲徐州魯也則亦分青爲徐與夏制同然無梁州則又與彼異疑晚周所分並非復周公之舊制矣乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰藩服服事天子也詩云侯服于周疏乃辨九服之邦國者職方制畿服之官法受之太司馬者也自王畿外

極五千里四方各以遠近分畫爲九服自采服以內與書禹貢  
五服里數同而服名則異服各有界限故大司馬謂之九畿詳  
彼疏云方千里曰王畿者謂建王國也大司馬云國畿大行人  
云邦畿義並同畿周書作圻字通孔注云圻界也云又其外方  
五百里曰蠻服者大行人作要服以內六服兩面共七千里卽  
前九州之地是也云又其外方五百里曰藩服者大司馬作蕃  
畿大行人注亦作蕃服藩正字蕃同聲段借字此夷鎮藩三服  
卽大行人所謂蕃國在九州之外者亦卽布憲所謂四海是也  
畿服名制詳大司馬疏 注云服服事天子也者謂九服之內  
同服事天子故皆以服爲名職方孔注云服言服王事也國語  
周語韋注云服服其職業也說並略同引詩云侯服于周者大



雅文王篇文引之者證服事天子之義凡邦國千里封公以方  
五百里則四公方四百里則六侯方三百里則七伯方二百里  
則二十五子方百里則百男以周知天下以此率徧知四海九  
州邦國多少之數也方千里者爲方百里者百以方三百里之  
積以九約之得十一有奇云七伯者字之誤也周九州之界方  
七千里七七四十九方千里者四十九其一爲畿內餘四十八  
八州各有方千里者六周公變殷湯之制雖小國地皆方百里  
是每事言則者設法也設法者以待有功而大其封一州之中  
以其千里封公則可四又以其千里封侯則可六又以其千里  
封伯則可十一又以其千里封子則可二十五又以其千里封  
男則可百公侯伯子男亦不是過也州二百一十國以男備其

數焉其餘以爲附庸四海之封黜陟之功亦如之雖有大國爵稱子而已鄭司農云此制亦見大司徒職曰諸公之地方五百里諸侯之地方四百里諸伯之地方三百里諸子之地方二百里諸男之地方百里疏凡邦國千里封公以方五百里則四公者以下並通計畿外封國之大數與大司徒爲官縣也李光坡云此大司徒九法所謂制畿封國以正邦國也賈疏云言凡邦國者畿外要服已內有八州州別置二百一十國揔有千六百八十國故云凡也注云以此率徧知四海九州邦國多少之數也者職方孔注云周徧也廣雅釋言云率計校也天算書凡計校數法並謂之率先約計一州千里之內地廣狹所容國數以此爲率綜計天下四海九州所容邦國多少之數可以徧知

故云周知天下云方千里者爲方百里者百者王制文賈疏云  
方千里開方之百里一截縱橫皆爲十截十十而百則得爲方  
百里者百云以方三百里之積以九約之得十一有奇云七伯  
者字之誤也者以三三自乘得九若依經以七乘九得六十三  
以除方百里者百所餘尙多故知其必爲字誤賈疏云方三百  
里三三而九用爲方百里者九十九爲十一伯餘有方百里者  
一不盡故云十一有奇也今經云方三百里則七伯以十一似  
七字故云字之誤也云周九州之界方七千里者據王城至要  
服六服面各三千五百里兩面相距七千里也其九州之外尙  
有三服面千五百里通九州爲萬里鄭言此者欲見周公制禮  
時疆宇大於殷五等侯國里數亦大增與前代異故王制注云

禹承堯舜要服之內地方七千里夏衰夷狄內侵殷湯承之更制中國方三千里之界周公復唐虞之舊域其要服之內亦方七千里而因殷之諸侯之數廣其土增其爵賈疏亦約彼注義謂先王之作土有三若太平之時土廣萬里中國七千中平之世土廣七千中國五千衰末之世土廣五千中國三千賈所謂太平之時卽虞夏及周公制禮時衰末之世卽夏末殷初時其中平之世則王制注引孝經說云周千八百諸侯布列五千里內鄭又釋之云此文改周之法闕盛衰之中三七之間以爲說也孔疏謂若武王時是也今攷禹貢五服地實止五千里與周要服內七千里不同夏末殷初中國三千里武王時中國五千里亦無文可證則王制注及賈孔所說三代土地廣狹之差實

非埒論也互詳大司徒大司馬大行人疏云七七四十九方千里者四十九其一爲畿內餘四十八入八州各有方千里者六者王制注說亦同謂九州之內方七千里七七自乘爲四十九以一爲畿內餘四十八以八州除之州得六也甄鸞五經算術云七七四十九卽四千九百萬里計方一千里者四十九也分方千里爲畿內餘爲八州州各得一千里者六一州合地六百萬里詒讓案此乃約略校計之法也據鄭詩譜云周東都畿內方六百里其封域在豫州太華外方之間北得河陽漸冀州之南是東都已錯兼二州之地西都又屬雍州則畿內必不能專一州況畿內得一入州州得六則八州每州地域三十六倍於畿內之州其數復遠不相當於分率亦必不能平而鄭必以此計

之者因以九州除四十九則州得五而有畸零不如以一爲畿  
內而以八州除四十八則州得六於率差爲整齊易於布算實  
非平率也云周公變殷湯之制雖小國地皆方百里者亦明周  
制與前代異也王制云公侯田方百里伯七十里子男五十里  
不能五十里者不合於天子附於諸侯曰附庸鄭彼注云此地  
殷所因夏商三等之制也殷商三等者公侯伯也周武王初定  
天下更立五等之爵增以子男而猶因殷之地以九州之界尙  
狹也周公攝政致太平斥大九州之界制禮成武王之意封王  
者之後爲公及有功之諸侯大者地方五百里其次侯四百里  
其次伯三百里其次子二百里其次男百里據彼注則鄭意夏  
制公侯百里伯七十里子男五十里者商五等地三等王制注

云夏爵三等明爵從地爲三等也殷因夏三等之地而減爵爲公侯伯三等則公百里侯七十里伯五十里也周初改同夏法周公始盡更夏殷之制爵地並增爲五等如此經之說是男爲至小國地亦方百里與夏殷大國等故此注云雖小國亦方百里也蓋鄭爲此說者欲見王制所云爲武王增爵未增地之制此經所云爲周公爵地並增之制以調停兩經之舛悟然王制所說二等地制蓋據實封言之與此經五等地虛實相除亦約略相埒鄭以爲夏及周初制非其實也詳大司徒疏至王制注又謂周所因殷之諸侯亦以功黜陟之其不合者皆益之地爲百里者蓋謂周時新封之國並依此經五等地制唯殷世舊國則有功者始增其地如爵其無功者則一切增爲百里雖尊爵

未遽得五百里至二百里之地賈疏乃謂周公之時無間有功  
無功皆先益滿百里待更有功乃依其舊益之地爲二百里至  
五百里之等則與王制注顯然不合非難憾也云是每事言則  
者設法也設法者以待有功而太其封者王制疏云設法皆假  
設爲法非實封也賈疏云必知不歸封而言設法以待有功者  
以其稱公者惟有二王後及東西太餽今八州皆言方千里封  
公則四公八州豈有三十二公乎明知五者皆是設法以待有  
功乃大其封也若無功縱本是公舊惟守百里地謂若虞公號  
公舊是殷之公至周仍守百里國以無功故也故注王制云是  
以周世有爵尊而國小爵卑而國大詒讓案鄭言此者亦謂一  
州之內不必果有四公六侯之等但假設此數以爲異日增封



之地若有功之人本無封地者則差其功之大小敘爵而授地如率其本有封地者則就而益之若男則進爵爲子益地二百里子以上以次遞進至公而止其殷之舊國有功者亦得增地如齊與周世新建之國等賈所舉虞虢一公爵尊國小卽殷舊國無功不增者也然鄭謂周時新封之國則無爵尊國小之法賈疏不分新國舊國概謂本是公爵惟守百里地必待有功乃大其封亦與王制注不合也云一州之中以其千里封公則可匹者王制孔疏云一州有千里之方六則一箇千里之方爲方百里者百一箇五百里之國爲方百里者二十五箇二十五用千里之方一是方五百里者不過四也五經算術云方五百里國四一國二十五萬里四國合一百萬里云又以其千里封

侯則可六者王制疏云以一箇四百里之國爲方百里者一十六箇一十六爲九十六是用百里之方九十六爲六箇四百里之國故云方四百里者不過六用千里之方一猶餘百里之方四五經算術云方四百里國六一國十六萬里六國合九十六萬里云又以其千里封伯則可十一者王制疏云以一箇三百里之國爲方百里者九十一箇九爲九十九是用百里之方九十九故云封方三百里者不過十一用千里之方一猶餘百里之方一五經算術云方三百里國十一一國九萬里十一國合九十九萬里云又以其千里封子則可二十五者王制疏云以一箇二百里之國爲方百里者四二十五箇二百里國用千里之方一故云封方二百里者不過二十五五經算術

云方二百里國二十五一國四萬里二十五國合一百萬里云  
又以其千里封男則可百者以千里之方爲方百里者百以封  
百男適盡若然一男國積萬里百國則百萬里也云公侯百子  
男亦不是過也者謂所封之國數若一州公過四侯過六之等  
則地不足故有少無多必不過是假設之數也賈疏謂若過五  
百里則是特賜法若魯衛之等是也非鄭意云州二百一十國  
以男備其數焉其餘以爲附庸者王制云凡四海之內九州州  
方千里州建百里之國三十七十里之國六十五十里之國百  
有二十凡二百一十國名山大澤不以封其餘以爲附庸間田  
入州州二百一十國鄭彼注云此大界方三千里三三而九方  
千里者九也其一爲縣內餘八各立一州此殷制也周公制禮

九州大界方七千里七七四十九方千里者四十有九也其一  
爲畿內餘四十八入州各有方千里者六設法一州封地方五  
百里者不過四謂之大國又封方四百里者不過六又封方三  
百里者不過十一謂之次國又封方二百里者不過二十五及  
餘方百里者謂之小國盈上四等之數并四十六一州二百一  
十國則餘方百里者百六十四也凡處地方千里者五方百里  
者五十九其餘方百里者四十一附庸地也案鄭意此經五等  
封地里數雖與王制不合而一州封國之總數當與彼同故取  
彼州二百一十國爲解然合此經一州五等國數計之止有一  
百四十六國於二百一十之數仍不足故復增男國爲一百六  
十四以補其數至二百一十國又不能盡一州之地故其餘復

爲附庸也賈疏云此據王制文彼下又云天子縣內九十三國凡九州千七百七十三國是通畿內外爲數並是殷州國數也既以州有千里之方六已用五個千里方爲前五等國數以前公國已得國侯六伯十一子二十五男百摠得一百四十六於二百一十國仍少六十四鄭必知以男備數者若不以男備數則餘千里者一充數不足何得更餘爲附庸若然則更取餘方一千里開方之得百里之方百於前侯國六用千里方仍有二百里方一開方之得四個男國於前伯國十一用千里方一又得一個男國得此五國添前一百四十六爲一百五十一仍少五十九更取餘千里方一開方之得百里之方百取五十九爲五十九國添前百五十一得二百一十國餘仍殘百里之方四

十一鄭云其餘以爲附庸者以附庸不滿百里故也王制兼閒田而言此直云爲附庸文略不具其實人作附庸卽受之無附庸則爲閒田使大夫治之以利民稅若周之畿內四等公邑者也詒讓案此注依王制義附庸雖屬侯國然皆在封域之外而先鄭大司徒注則據魯頌論語謂當在封域之中近江永金鶚竝從其說是也若然此及王制注所謂方百里者四十一爲附庸地者固未爲定論矣云四海之封黜陟之功亦如之者以下九州之外亦有二等封國與九州內同一而審則止子男二等也賈疏云鄭以上經九服摠言此經惟言要服曰內九州不言四海夷狄諸侯故鄭兼見四海夷鎮藩言黜陟之功亦如之者亦皆有百里二百里地有功者進地得與侯伯二百四百同但不

進爵耳無功有過則退之云雖有大國奮稱子而已者謂其次  
國小國則奮稱男大國亦不過稱子故大行人注云九州之外  
其君皆子男也賈疏云曲禮云其在東夷北狄西戎南蠻雖大  
日子鄭注云雖有侯伯之地奮亦無過子是以同名日子是也  
鄭司農云此制亦見大司徒職曰諸公之地方五百里諸侯之  
地方四百里諸伯之地方三百里諸子之地方二百里諸男之  
地方百里者大司徒文與此等數正同故先鄭引以互證凡邦  
國小大相維大國比小國小國事大國各有屬相維聯也疏凡  
邦國小大相維者小大周書作大小李光坡云此卽九濩所謂  
建牧立監以維邦國也注云大國比小國小國事大國者據  
形方氏文云各有屬相維聯也者聯黃丕烈校改連是也注例

縣皆作連詳大宰疏大司馬注云維猶連結也周書孔注云維持也義亦略同賈疏云春秋之世小國朝大國大國聘小國又有敵國自相聘是以司儀公侯伯子男相爲賓又相爲國客又王制云五國以爲屬屬有長十國以爲連連有帥三十國以爲卒卒有正二百十國以爲州州有伯彼雖是殷之諸侯亦是各有屬相維縣之事也故鄭據而言也王設其牧選諸侯之賢者爲牧使牧理之疏注云選諸侯之賢者爲牧使牧理之者卽州牧也周書孔注云牧謂牧御天下之政教賈疏云此卽大宰云建其牧是也詳大宰及大宗伯疏制其職各以其所能牧監參伍之屬用能所任秩次疏制其職者諫邦國君臣所行之職事大司馬云以九畿之籍施邦國之政職是也云各以其所能者



大戴禮記朝事篇云古者天子爲諸侯不行禮義不修法度不附於德不服於義故使職方氏大行人以其治國選其能功卽本此經李光坡云此卽九法所謂施貢分職以任邦國也 注云牧監參伍之屬者謂邦國任職之人周書孔注云連率牧監各任能也亦同鄭義賈疏云此卽大宰云設官分職彼下文又云施典於邦國而建其牧立其監設其參傅其伍陳其殷置其輔也云用能所任秩次者用能疑當作所能廣雅釋詁云能任也謂以其國之遠近大小敘次其所能任之職事賈疏云稱其所任則以次祿秩之誤制其貢各以其所有國之地物所有疏注云國之地物所有者周書孔注云土地所有乃貢之穀梁桓十五年傳云古者諸侯時獻於天子以其國之所有國語鄭語

云先王求財於有方韋注云使各以其方賄來方之所無則不  
貢也又周書王會篇云湯問伊尹曰諸侯來獻或無牛馬之所  
生而獻遠方之物事實相反不利今吾欲因其地勢所有獻之  
易得而必貴其爲四方獻令卽以所有制貢之事書康王之誥  
所謂壤奠亦卽此也此是邦國之常貢於大宰九貢中使視其  
國地所有之物而貢之與大行人六服朝貢每服異物者不同  
王將巡守則戒于四方曰各脩平乃守攷乃職事無敢不敬戒  
國有大刑乃猶女也守謂國竟之內職事所當共具疏王將巡  
守者周書守作狩段借字巡守詳土訓及大行人疏云則戒于  
四方者以書豫戒敕之恐有不具也詩小雅出車云畏此簡書  
毛傳云簡書戒命也云曰各脩平乃守攷乃職事無敢不敬戒

國有大刑者此並簡書之辭周書攷作考古今字孔注云考成也不敬則犯大刑也賈疏云職方氏既主四方諸侯故至十二年王將巡守之時先以文書戒敷于四方日各脩汝當國所守境內待王之務無得失所又當考校汝所擬供王職事若不敬戒國有大刑大刑謂殺之也案賈釋考爲考校是也孔訓爲成未埒注云乃猶女也者小宰注同云守謂國竟之內者此釋脩平乃守之守謂諸侯所守國竟之內也云職事所當共具者謂天子至其國諸侯所當共具若饗餼委積之屬及王之所行先道帥其屬而巡戒令先道先由王所從道居前行其前日所戒之令疏及王之所行先道帥其屬而巡戒令者周書王下有者字衍道上挽先字帥作率古今字令作命義同巡戒令謂行

視其前所頒之戒令也。注云先道先由王所從道居前行其  
前日所戒之令者賈疏云此謂王將發行之時即在王前巡行  
前日所施戒令備豫之等如前所施以不王殷國亦如之殷猶  
眾也十二歲王若不巡守則六服盡朝謂之殷國其戒四方諸  
侯與巡守同疏王殷國亦如之者周書孔注云巡戒命亦如巡  
守也。注云殷猶眾也者大宰注義同云十二歲王若不巡守  
則六服盡朝謂之殷國者職方孔注義同鄭意殷國即大宗伯  
之殷見曰同也賈疏云王有故不巡守於方岳之下則春東方  
盡來夏南方盡來秋西方盡來冬北方盡來王待之亦各於其  
時在國外爲壇行朝覲盟載之法若然則王自在國外爲之而  
云亦如之者亦如上文戒令四方諸侯者王殷國所在無常或

在畿內國城外卽爲之或向畿外諸侯之國行之故有戒令之事也林喬蔭云掌客職云王巡守殷國則國君膳以牲犢令百官百姓皆具則是天子適於諸侯賈誼或在畿內國城外卽爲之或向畿外諸侯之國爲之則非若巡守之有定安得謂王必有所過之國特令其具王及百官從者之牲禮一同於巡守哉然則殷國之與殷同禮必不可混而殷國之與巡守事則略同蓋王巡守四方則各朝於方岳之下其或有故得巡一方或巡二方三方六服羣辟亦卽於天子所至之國朝之是名殷國言其以取朝於諸侯之國異於王都故不得稱殷同而亦是天子適於諸侯故掌客所令與巡守等金鶚云殷國者王不巡守而殷國諸侯畢會於近畿國者侯國也若在境內何謂之殷國大

行人掌客皆連言巡守殷國可知殷國與巡守略相似故職方氏亦有戒令之事其不在畿內城外明甚如鄭賈說是殷國與殷見何異乎殷見曰見謂諸侯皆來見天子也殷國曰國謂天子出至侯國諸侯盡朝也豈得混爲一邪殷國與巡守同年其與巡守異者蓋王有故不能遠巡故止於近於王畿之地巡行大約在侯甸二服中而令四方諸侯畢來朝也天子出在侯國有似於時巡之會四方諸侯來朝又有似於殷見之同是合二事而爲一矣案林金二說是也殷國者謂王出在侯國而行殷見之禮也蓋常禮王巡守徧四方則朝當方諸侯於方岳若不徧巡守則不能徧有方岳之朝故或合諸侯於國城外謂之殷同或合諸侯於近畿之侯國抑或巡守未訖在道適遭事故不

能終行亦卽於所至之國徵諸侯而行朝會之禮皆謂之殷國  
殷國與殷同雖並在十二年王不徧巡守時行之然一在畿外  
一在王都事迥不同鄭此注及大行人注並合二者爲一甚誤  
賈疏覺其難通乃謂殷國或在畿內國城外卽爲之或向畿外  
諸侯之國行之以幹旋其說不知殷同在國城外殷國無在國  
城外之事至東都與西都通畿封則周書王會篇所載成周之  
會及詩小雅車攻敍所云宣王會諸侯於東都亦並爲殷同非  
所謂殷國也又殷同當如鄭大宗伯注說四方四時分來殷國  
則王至所期之國諸侯一時畢會不必六服分四時更來儻亦  
如殷同法則王終年留滯所至之國以俟六服之朝無是理也  
賈說竝失之二云其戒四方諸侯與巡守同者亦戒以脩平乃守

等事及王行亦先道巡戒令也

土方氏掌土圭之法以致日景致日景者夏至景尺有五寸冬

至景丈三尺其間則日有長短疏掌土圭之法者此官之官灋

受之大司徒者也詳彼疏注云致日景者夏至景尺有五寸

冬至景丈三尺者並據地中一至晝漏半立八尺表表北得景

如率也大司徒云日至之景尺有五寸謂之地中周髀算經李

注引尚書考靈曜云日永影尺五寸日短一十三尺亦詳大司

徒疏云其間則日有長短者謂冬至至後日漸北則景漸短夏至

後日漸南則景漸長案續漢書律曆志載四分曆二十四氣晷

景表云冬至丈二尺小寒丈二尺三寸大寒丈一尺立春九尺

九寸雨水七尺九寸五分驚蟄六尺五寸春分五尺二寸五分



清明四尺一寸四分穀雨三尺二寸立夏二尺五寸二分小滿  
尺九寸九分芒種尺六寸八分夏至尺五寸小暑尺七寸大暑  
二尺立秋二尺五寸五分處暑二尺三寸三分白露四尺三寸  
五分秋分五尺五寸寒露六尺八寸五分霜降八尺四寸立冬  
丈四寸二分小雪丈一尺四寸大雪丈二尺五寸六分此其長  
短之差此注止說一至暑景者舉其最長最短者以略其餘也  
周髀算經及易緯通卦驗並有二十四氣暑景與四分曆各異  
周髀冬至暑長一丈三尺五寸夏至暑長一尺六寸通卦驗夏  
至暑長尺四寸八分並互有贏縮不與大司徒文同鄭所不據  
也以土地相宅而建邦國都鄙土地猶度地知東西南北之深  
而相其可居者宅居也疏以土地相宅而建邦國都鄙者亦以  
土圭測度定其疆域也邦國亦關建王國言之賈疏謂上經據

建王國度地法此經據封畿外及畿內都鄙失之 注云土地  
猶度地者大司徒典瑞注義同詳王人疏云知東西南北之深  
而相其可居者者亦據大司徒測土深爲說謂測景以定其方  
位察其地之可居與否也相宅與書洛誥及大司徒相民宅義  
並同云宅居也者眠寢注 同釋名釋宮室云宅擇也擇吉處  
而營之也凡邦國都鄙並擇吉處而營居故通謂之宅也以辨  
土宜土化之灋而授任地者土宜謂九穀植稗所宜也土化地  
之輕重糞種所宜用也在任地者載師之屬疏以辨土宜土化之  
灋者亦此官之官法與草人爲官職也云而授任地者者此與  
鄉師遂師閭師縣師載師爲官職也賈疏云謂以書作法授之  
注云土宜謂九穀植稗所宜也者釋宋附釋音本余仁仲本

並作穉詩魯頌閟宮云植穉菽麥毛傳云先種曰植後種曰穉  
釋文引韓詩云植長稼也穉幼穉也穉即穉之俗前九州各有  
所宜穀而九穀中又各有此植穉二種亦辨其宜而種之此注  
專據穀土而言大司徒云以土宜之瀝辨十有二土之名物以  
相民宅而知其利害以阜人民以蕃鳥獸以毓草木以任土事  
彼土宜通人民鳥獸草木所宜而言與此經異互詳彼疏云土  
化地之輕重糞種所宜用也者並據草人文彼注云土化之法  
化之使美是也地輕重謂若駢剛輕爽堅土則重壤土則輕糞  
種所宜用若用牛用羊之等云任地者載師之屬者載師職云  
掌任土之法注云任土者任其力勢所能生育且以制貢賦是  
也王巡守則樹王舍爲之藩羅疏王巡守則樹王舍者說文豈

部云封立也樹卽封之段字王巡守在道凡舍止之處此官掌  
設立其藩衛蓋亦以土圭測景辨其陰陽朝夕以定王舍與掌  
舍爲官聯也 注云爲之藩羅者羅離一聲之轉國語楚語云  
爲之闕藩藩離韋注云藩離辟去落也蓋於王所舍之宮外墻埒  
間植木材以爲遮遰詳委人疏賈疏云謂若掌舍設棧板之時  
則此官亦爲王於外周而樹藩羅

懷方氏掌來遠方之民致方貢致遠物而送逆之達之以節遠  
方之民四夷之民也謙德延譽以來之遠物九州之外無貢法  
而至者達民以旌節達貢物以璽節疏致方貢致遠物而送逆  
之者此與小行人象胥爲官聯也致謂以政令招致之 注云  
遠方之民四夷之民也者王制屏之遠方鄭彼注云遠方九州

之外與此義同謂蠻服以外四夷之民也云論德延譽以來之者賈疏云曉諭以王之德美又延引以王之美譽以招來之云遠物九州之外無貢法而至者者大行人注云九州之外夷服鎮服蕃服也賈疏云此經上云致方貢謂六服諸侯又云致遠物宜是蕃國是以大行人上云侯服歲一見其貢祀物之等下文云蕃國世一見各以貴寶爲摯文與此相當故知義然也云達民以旌節達貢物以璽節者賈疏云達民則行道路貢物卽是貨賄故掌節云道路用旌節貨賄用璽節是也治其委積館舍飲食續食其往來疏治其委積館舍飲食者此與遣人小行人司儀掌客掌訝爲官聯也注云續食其往來者爾雅釋詁云續繼也謂自來及往相繼其其飲食無缺乏也賈疏云按遣

人云十里有廬廬有飲食二十里有宿宿有委五十里有市市有積司儀云遂行如入之積是續食其往來也

合方氏掌達天下之道路津梁相湊不得陷絕疏掌達天下之

道路者此與司險爲官聯也注云津梁相湊不得陷絕者釋

文湊作奏云本或作湊宋注疏本亦作奏案廣雅釋詁云湊聚

也湊奏字通說文水部云津水渡也道路當川渠處津梁陷絕

則行旅不通今使相湊會接聚則無不通之患司險云掌九州

之圖以周知其山林川澤之阻而達其道路彼注云山林之阻

則開鑿之川澤之阻則橋梁之此不及開鑿山林之事者文略

通其財利茂遷其有無疏注云茂遷其有無者賈疏云按尚書

益稷云懋遷有無化居禹治水後懋勉天下徙有之無易其居

積若材木徙川澤魚鹽徙山林是通其財利案漢書敘傳引尙  
書懋亦作茂懋茂字通賈說本僞孔傳鄭本尙書此文在皋陶  
謨注今佚義或與孔同也同其數器權衡不得有輕重疏同其  
數器者大行人亦云十有一歲同度量同數器注云同謂齋其  
法式行至則齊等之也彼據天子撫邦國之事此官則平時通  
畿內及邦國皆齋法式齊等之與彼爲官聯也 注云權衡不  
得有輕重者大行人注云數器銓衡也漢書律厯志云數一十  
百千萬也所以筭數事物順性命之理也度長短者不失豪釐  
量多少者不失圭撮權輕重者不失黍稷又說五權云衡權者  
衡平也權重也衡所以任權而均物平輕重也權者銖兩斤鈞  
石也所以稱物平施知輕重也本起於黃鍾之重一龠容十二

百黍重十二銖兩之爲兩二十四銖爲兩十六兩爲斤三十斤  
爲鈞四鈞爲石案依漢志說則度量權衡通名數器管子君臣  
篇云衡石一稱卽同權衡也賈疏云鄭知此數器是權衡者下  
別見度量故知義然壹其度量尺寸釜鍾不得有大小疏壹其  
度量者質人大行人壹並作同此篆上變文賈疏云此云壹卽  
上同也 注云尺寸釜鍾不得有大小者舉丈尺以該五度舉  
釜鍾以該五量釜卽槩氏之鬴考工記攻金之工注亦作鬴此  
及大行人注並作釜者用借字也管子君臣篇云斗斛一量丈  
尺一稊制戈兵一度卽壹度量也並詳內宰疏除其怨惡怨惡  
邦國相侵虐疏注云怨惡邦國相侵虐者賈疏云合方氏欲使  
人和合故除其邦國相怨惡卽相侵伐及相虐殺之等也詒讓



案大戴禮記詒志篇云隋使來往地賓畢極無怨無惡率惟懿德卽除怨惡之事典瑞云琰圭以易行以除慝亦謂此也同其好善所好所善謂風俗所高尚疏注云所好所善謂風俗所高尚者賈疏云按孝經樂以移風易俗既風俗別言則風俗異矣風謂政教所施故曰上以風化下又云風以動之是也俗謂民所承襲故曰君子行禮不求變俗是也

訓方氏掌道四方之政事與其上下之志道猶言也爲王說之四方諸侯也上下君臣也疏掌道四方之政事與其上下之志者此官主通下情與擇人主宣上德職掌互相備也志謂志慮與擇人誦王志義同謂侯國君臣之志慮猶左隱元年傳以克段爲鄭志襄元年傳以討魚石爲宋志也誦訓方志卽外史四

方之志與此義別 注云道猶言也者擇人注同釋名釋言語  
云導陶也陶演已意也云爲王說之者土訓注云道說也國策  
秦策高注云說言也是道說並訓言故注釋道爲言又云爲王  
說之也云四方諸侯也者謂六服以內諸侯也云上下君臣也  
者易泰彖傳云上下交而其志同也李氏集解引何晏云上之  
與下猶君之與臣君臣相交感乃可以濟養民也誦四方之傳  
道傳道世世所傳說往古之事也爲王誦之若今誦聖德堯舜  
之道矣故書傳爲傳杜子春云傳當作傳書亦或爲傳疏注云  
傳道世世所傳說往古之事也者謂上古以來傳聞言說之事  
楚辭天問云遂古之初誰傳道之大戴禮記五帝德篇云宰我  
日上世之傳隱微之說莊子盜跖篇云此上世之所傳下世之

所語與此義同云爲王誦之者韓非子難言篇云時稱詩書道  
法往古則見以爲誦舊注云誦說舊事案此誦與道義略同與  
大司樂樂語諷誦義異云若今論聖德堯舜之道矣者謂若宰  
我問五帝德之類皆古事之可常稱誦者也云故書傳爲傳杜  
子春云傳當作傳書亦或爲傳者徐養原云傳爲字之誤車人  
博字故書作搏與此相類正歲則布而訓四方布告以教天下  
使知世所善惡疏正歲則布而訓四方者賈疏云謂夏之建寅  
正月則布告所道所誦之事教天下使知世所善惡也 注云  
布告以教天下使知世所善惡者說文言部云訓說教也亦謂  
四方政事等既爲王道誦之又以布告於天下使人知世所善  
惡以爲法戒而觀新物四時於新物出則觀之以知民志所好

惡志淫行辟則當以政教化正之疏而觀新物者新物謂物產  
珍異及器械便利者皆陳而觀之所以資民用而禁物靡也書  
盤庚云器非求舊惟新明智作巧述利用貴新荀子王制篇云  
械用則凡非舊器者舉廢此爲黜奇淫者制法與書禮義不相  
核也 注云四時於新物出則觀之以知民志所好惡志淫行  
辟則當以政教化正之者賈疏云此訓方觀新物知民善惡之  
情謂若王制云命市納賈以知民之所好惡志淫行辟則當以  
政教化正之與此爲類故鄭引以釋經也案王制本作志淫好  
辟賈依注改以彼注云賈謂物貴賤厚薄也賈則用物貴淫則  
侈物貴民之志淫邪則其所好者不正此明觀新物者兼欲禁  
民之爲淫侈也

形方氏掌制邦國之地域而正其封疆無有華離之地杜子春  
云離當爲雜書亦或爲離立謂華讀爲𠂔𠂔之𠂔正之使不𠂔  
邪離絕疏掌制邦國之地域而正其封疆者掌正五等侯國之  
封域與封人縣師爲官縣也 注杜子春云離當爲雜書亦或  
爲雜者杜以離爲雜字形近而誤鄭以離字義本可通不必破  
字故不從也云立謂華讀爲𠂔𠂔之𠂔正之使不𠂔邪離絕者  
賈疏云王者地有𠂔邪離絕遞相侵入不正故今正之𠂔者兩  
頭寬中狹邪者謂一頭寬一頭狹段玉裁云華𠂔古音同在魚  
虞模部鄭易華爲𠂔釋𠂔離爲𠂔邪離絕𠂔邪謂地偏長則去  
國遠離絕謂若間以他國之地遞竟而治之皆爲邦國之不便  
華苦哇反音同夸廣韻集韻作葵非是惠士奇云廣雅乖𠂔𠂔

也。𠂔與𦵏同，不正者謂之𠂔。賈疏謂兩頭寬中狹，未知所出。𠂔亦作𦵏，𠂔卽𦵏字。說文云：汚，𦵏下也。從宀，𠂔聲。然則𦵏、𠂔猶汚。𦵏，𦵏徑，𦵏爲直，𦵏爲曲。又云：說文玉篇皆無𦵏字。玉篇：𦵏部，𦵏，𦵏也。𦵏訓爲𦵏，斜𦵏斜者猶𦵏。𦵏云：爾徐養原云：說文𦵏部，𦵏，𦵏也。俗作𦵏。廣韻十三佳釋：𦵏字云：𦵏，𦵏斜，𦵏卽𦵏。𦵏離絕也。變離言，𦵏似從子春讀。又𦵏字注云：𦵏，𦵏之貌。詒讓案：段惠說是也。鄭讀𦵏爲𦵏者，以其聲類相近。劉微海島算經敘云：𦵏離者三望卽本鄭讀也。玉篇廣韻並以𦵏爲𦵏者，以其形近誤合爲一字，似亦本唐以前舊詁。然鄭讀陸音則皆無此義。玉篇𦵏部有𦵏字，苦蛙切，不正也。廣韻十三佳載：𦵏，𦵏二字。𦵏卽𦵏之譌。𦵏𦵏字則又合𦵏，𦵏二字爲之。說文𦵏部，𦵏亦讀若𦵏。戴侗六書

故引唐本說文萃作𠄎是其證也此皆展轉譌俗不體之字與此經華字絕不相涉大司徒保章氏有乖字並不作華注佩字亦說文所無依賈疏兩頭寬中俠之說則惠謂佩卽窠近是梓人注釋哨爲頤小頤卽佩褭小猶虧損亦卽佩狹之義廣韻九麻釋佩云佩邪離絕之兒亦卽本此注然鄭本以佩邪訓華離絕訓離華佩並無絕訓斯又修韻者之誤也使小國事大國大國比小國比猶親也易比象曰先王以建萬國親諸侯疏使小國事大國大國比小國者此卽大司馬九瀝比小事大以和邦國也賈疏云此亦如上職方氏云大小相維義同 注云比猶親也者大司馬注同引易比象曰先王以建萬國親諸侯者證比有親義亦詳大司馬疏

山師掌山林之名辨其物與其利害而頒之于邦國使致其珍異之物山林之名與物若岱賦絲枲嶧陽孤桐矣利其中人用者害毒物及螫噬之蟲獸疏使致其珍異之物者致物卽致邦國之九貢職方氏云制其貢各以其所有是也土訓亦云辨其物而原其生以詔地求此官及下川師還師並與彼爲官聯也賈疏云此山師及下川師原師等皆是遙掌畿外邦國之內山川原隰之等使出稅珍異以供王家也 注云山林之名與物若岱賦絲枲嶧陽孤桐矣者書禹貢青州云岱賦絲枲僞孔傳云賦谷也岱山之谷出此物又徐州云嶧陽孤桐史記集解引鄭書注云今下邳西葛嶧山也孔傳云孤特也嶧山之陽特生桐中琴瑟賈疏云岱賦嶧陽是其名絲枲孤桐是其物也云利



其中人用者者若絲枲中衣服孤桐中琴瑟是其中人用者也  
云害毒物又螫噬之蟲獸者賈疏云謂蛇螫蠍之屬也案賈  
述注無獸字疏亦不釋獸疑賈所見本本無此字毒物爲毒藥  
之類獸謂猛獸搏噬人者

川師掌川澤之名辨其物與其利害而頒之于邦國使致其珍

異之物川澤之名與物若泗濱浮磬淮夷蠙珠暨魚澤之萑蒲

**疏**

注云川澤之名與物若泗濱浮磬淮夷蠙珠暨魚者賈疏云

徐州云泗濱浮磬淮夷蠙珠暨魚注云泗水涯水中見石可以  
爲磬蠙珠珠名淮夷一水出蠙珠與美魚案賈引書注據僞孔  
傳也史記夏本紀集解及禹貢孔疏引鄭注云蠙珠珠名淮夷  
淮水之上夷民獻此蠙珠與美魚也僞傳以淮夷爲一水名珠

謬云澤之萑蒲者左昭二十年傳云澤之萑蒲舟楫守之亦是川澤之物故并引以爲證

遼師掌四方之地名辨其丘陵墳衍遼隰之名地名謂東原大陸之屬疏辨其丘陵墳衍遼隰之名者當屬下物字句鄭讀非是此官掌丘陵墳衍原隰與上山師掌山林川澤合之卽大司徒十等土地詳彼疏 注云地名謂東原大陸之屬者

禹貢徐州云東原底平冀州云大陸既作史記夏本紀集解引鄭書注云東原地名今東平郡卽東原大陸澤在鉅鹿物之可以封邑者物之謂相其土地可以居民立邑疏物之可以封邑者者王安石鄭鏐莊有可並以名物連讀王引之云山師川師皆云辨其物地官大司徒亦云辨其山林川澤丘陵墳衍原隰

之名物則物字當上屬爲句俞樾云鄭君於名字斷句非也之名物之可以封邑者兩之字皆蒙上陵墳衍邊隰而言蓋既辨其上陵墳衍邊隰之名物又辨其上陵墳衍邊隰之可以封邑者若分言之則於文累矣故總言辨其上陵墳衍邊隰於上而以之名物之可以封邑者分承於下也案俞說是也封邑謂立邑而爲之疆界封卽大司徒溝封之封彼注云封起土界也封人云造都邑之封域是也 注云物之謂相其土地可以居民立邑者既夕記豕人物土注云物猶相也左昭三十二年傳物土方杜注云物相也鄭以物之屬讀故訓爲相土地之事實非經義凡民所聚居大小通曰邑詳里宰疏

匡人掌達灋則匡邦國而觀其慝使無敢反側以聽王命法則

八法八則也邦國之官府都鄙亦用焉愚姦僞之惡也反側猶背違法度也書云無反無側王道正直疏掌達灋則者大行人云十有一歲脩灋則此官則於平時達之邦國與彼爲官聯也  
注云法則八法八則也邦國之官府都鄙亦用焉者此亦注用今字作法也賈疏云案大宰云八法治官府八則治都鄙謂王朝官府及畿內都鄙今云以法則匡正邦國而觀其愚即據諸侯下都鄙外內雖殊八則八法治官府都鄙即同故治官府都鄙亦用焉云愚姦僞之惡也者胥師注云愚惡也又環人注云愚陰姦也是陰愚姦僞之惡謂之愚也莊子漁父篇云稱譽詐僞以敗惡人謂之愚云反側猶背違法度也者毛詩大雅何人斯傳云反側不正直也管子七臣篇尹注云背理爲反說文

周禮正義

禮六十四

五百四十三

人部云側旁也。尸部云仄側傾也。側即仄之借字。背違法度則不遵八法八則也。引書曰無反無側。王道正直者。洪範皇極章文史記宋世家集解引馬融云反反道也。側傾側也。

擯人掌誦王志道國之政事以巡天下之邦國而誦之道猶言也以王之志與政事。諡說諸侯使不迷惑。疏掌誦王志道國之政事者此官與掌交並主宣布王之德意相與爲官職也。注

云道猶言也者訓方氏注同云以王之志與政事。諡說諸侯使不迷惑者誦王志及掌交所云道王之德意志慮使咸知王之好惡辟行之是也。戰國策齊策云孟嘗君謙坐田疇曰車軼之所能至請掩足下之短誦足下之長此誦王志與彼義同。詩大雅縣云子曰有奔走毛傳云喻德宣譽曰奔走蓋近此擯人之

職矣賈疏云誦志者在心爲志欲得使天下順從若擇取王之  
此志又道國之政事用此二事以巡國而語之使不迷惑而向  
王使萬民和說而正王面面猶鄉也使民之心曉而正鄉王疏  
使萬民和說而正王面者說文言部云說說釋也掌交云達萬  
民之說注云說所喜也 注云面猶鄉也者匠人面朝後市注  
同說文面部云面顏前也又人部云面鄉也少儀曰尊壺者面  
其鼻此面卽面之段字今少儀面亦作面孟子梁惠王篇趙注  
云面者向也廣雅釋詁云面嚮也鄉向嚮字並通正王面猶司  
儀云正主面也云使民之心曉而正鄉王者此萬民卽邦國之  
民也擇人巡行誦道萬民皆聞之故得心曉而正鄉王易革上  
六象傳云小人革面順以從君也卽使萬民正王面之義賈疏

謂向諸侯說之使諸侯化民而民向王失之

都司馬掌都之士庶子及其眾庶車馬兵甲之戒令庶子卿大

夫士之子車馬兵甲備軍發卒疏掌都之士庶子及其眾庶車

馬兵甲之戒令者賈疏云此王都司馬故序官注都王子弟所

封及三公采地也司馬主其軍賦若王家有軍事徵兵於采地

都鄙則都司馬以書致於士庶子有此眾庶車馬兵甲之戒令

士庶子受而依行之詒讓案此官乃大小都之私臣掌都之軍

事者鄭賈以爲王臣非也詳敍官疏士庶子卽都之貴族子弟

從軍者眾庶卽丘甸所出士徒則平民也若然士庶子及眾庶

皆卽都之軍眾但以貴賤殊別之掌固云頒其士庶子及其眾

庶之守與此正同賈乃謂士庶子受此官之戒令而依行之則

似以士庶子爲軍吏失其義矣 注云庶子卿大夫士之子者此與大司馬注義同謂凡卿大夫士之子通爲庶子與宮伯注分士爲適子庶子爲支庶異今案卿大夫之子已命者爲士未命而在官者爲庶子都家貴族之子弟亦然皆無適庶之分詳宮伯疏云車馬兵甲備軍發卒者車馬兵甲皆戎事所用故知備軍發卒左定八年傳云陽虎戒都車曰癸巳至卽都發車卒之事以國瀦掌其政學政謂賦稅也學脩德學道疏以國瀦掌其政學者釋文政作正云本亦作政案政正字通國法卽國大小司馬諸官之官法此官受之以治都中士庶子眾庶之政學也王引之云政當讀政事之政小司徒凡用眾庶則掌其政教鄉大夫各掌其鄉之政教禁令政學卽政教也朱大韶云王讀



周禮正義

禮本十四

卷一百四十六

五百四十六

是也春官有都家宗人掌禮者也秋官有都士家士掌刑者也則夏官之都家司馬掌兵者也以國法掌其政學者卽大司馬四仲治兵之法案此政當從王朱讀王謂政學猶言政教尤埒蓋自施教者言之謂之教自受教者言之謂之學其義通也諸子掌國中士庶子云掌其戒令與其教治此都司馬亦掌都士庶子眾庶之政學猶彼之教治也彼又云若有兵甲之事則授之車甲合其卒伍置其有司以軍法治之此以國法掌其政學蓋以大司馬之軍法掌其政以大司徒保氏之教養掌其學也小司馬軍司馬諸官亦必有掌六軍教學之法今職佚無可攷耳 注云政謂賦稅也者亦讀政爲征也小宰注云征謂賦也凡其字或作政或作正或作征以多言之宜從征又大司徒注

云征稅也賈疏云正謂軍之賦稅無田稅泉稅之等案此政當  
讀如字王引之云征稅與學道並舉殊爲不倫朱大韶云此官  
專掌守禦不掌賦稅案王朱說是也云學脩德學道者諸子云  
國子存遊侔使之脩德學道鄭據彼爲說古者道藝之教通於  
士民若宮正掌宮眾亦云會其什伍而教之道藝是其比也以  
聽國司馬聽者受行其所徵爲也國司馬大司馬之屬皆是疏  
以聽國司馬者王念孫云本作聽於國司馬猶論語言聽於冢  
宰也唐石經脫於字而各本皆沿其誤序官疏兩引此文皆作  
聽於國司馬又序官云家司馬各使其臣以正於公司馬文義  
亦與此同故鄭彼注云正猶聽也案王說是也 注云聽者受  
行其所徵爲也者鄭長凡歲事之戒令皆聽之注云聽之受而

行之也此義與彼同所徵爲謂征役法令之屬都司馬皆受國  
司馬之命而行之云國司馬大司馬之屬皆是者此國謂王國  
對都爲采地言之與職喪國有司義同賈疏云經國司馬不云  
大則小司馬軍司馬輿司馬皆得稟其戒令家司馬亦如之大  
夫家臣爲司馬者春秋傳曰叔孫氏之司馬馯戾疏家司馬亦  
如之者此敘官文誤移於此其家司馬職文又誤入敘官二簡  
互錯詳敘官疏 注云大夫家臣爲司馬者者賈疏云按序官  
云家司馬各使其臣以正於公司馬鄭云家卿大夫采地正猶  
聽也公司馬國司馬也卿大夫之采地王不特置司馬各自使  
其家臣爲司馬主其地之軍賦往聽政於王之司馬其以王命  
來有事則曰國司馬若然是卿之小都大夫采地皆家自置司

馬之明文案注云大夫家臣則專據大夫家邑言之敘官注兼及卿之小都非也賈亦襲彼注之誤引春秋傳者賈疏云左氏昭二十五年叔孫氏之司馬驪戾言其眾曰若之何莫對又曰我家臣也不敢知國彼是諸侯卿家自置司馬此王之卿大夫之家亦自置引諸侯家法者自置是同故得引以況義也

周禮正義卷六十四終